

Tinsom la val l'é temp de Carnascèr

Per Sènt'Antone e Sèn Bastian ta Dèlba e Penia taca a sirèr Bufon, Laché e Marascons, vegn desleà Carnascèr

Tradizions - L'é jené e l'é temp de la sègres tinsom la val. Se taca ai 17 ta Dèlba con Sènt'Antone, che chest an l'é de mèrtesc. Da les 11 l'é messa e dò aperitif e marena te teater ló apede calonia. Via per da sera vegn desleà Carnascèr con la gara de la leses da corni (se no l'é neif se les spenc) da Col de Dèlba fin te piazzal di auti de la gejia. Te teater per duta sera l'é musega dal vif con Giordi e Luis, da magnèr e vèlch da ciaut da beiver per duc e per duta sera. Vegn endrezà ence na lotaria per didèr l preve con la speises de la gejia.

Ta Penia enveze ai 20, en vender che vegn, l'é Sèn Bastian. Da les 10 l'é messa, dò l'é festa te Piaz con l Grop de la mèscres de Dèlba e Penia che l

met a jìt la lotaria con estrazion da les 18 e via per l di la peisa de l'ardel.

La mascherèdes

Da mesa les nef da sera te la veia scoles de Penia l'é la pruma mascherèda de chest an: vegn spilenà la comedia "I doi lères" traslatèda da Fabio de la Menina. Chesta medema vegnarà portèda dant ence en jebia grassa, ai 23 de firé.

Apede a chesta ben segur n'é ence chest an n'otra: una neva scritta de Stefan Monech dal titol "Per na liègna de Ciamorc", la vegnarà spilenèda la pruma outa en sabeda ai 4 de firé e dapò ence en mèrtesc gras ai 28 de firé, ùltim del meis. (17)



Ta Penia endèna na mascherèda spilenèda del 2014.